

اسلام مجموعہ سی

شعاری : دینی بر مبات ، مباتی بر دینہ در

پیل ۴ صانی ۵۴ ۲۴ رمضان ۱۳۳۵ ۱۳۳۳ ۱۴ غور
مدیری : حلیم ثابت

قرآنہ کریم

اوروجہ عائذ آیات شریفہ درس عام لردن شرف الدین

صہیت

اوروجہ عائذ احادیث شریفہ ش

موعظہ

اوروج حقندہ بیاننامہ مشیختناہی

قرآنہ کریم

سورۃ یوسفدن عشر شریفلر ثریا

دینہ ادبیاتی

آغلار یعقوب آغلار ث

رمضانہ حقندہ ادبیرمزلک محسلسی

رمضان حقندہ خالد فخری

رمضان خاطرملردن حسین راغب

رمضان حقندہ محی الدین

اسماعیل حق

بزدہ رمضان اسرارطہ لی حق

مظہ

اوروج حقندہ وحید

تاریخ

اعتکاف

توزیع یری زمان کتبخانہ سیدر

نسخہ سی ۶۰ پارہ در

نجم استقبال مطبعہ سی

بر خاطره حالده اویاتورو . رمضان بکا پک کنج اولش اولان آنه‌سی
خاطیرلاتیر . او اولدیکی زمانلر سکز یاشنده بر چوچوقدم . فقط خیالی
کوزلرمدن بز دقیقه سیتمه‌دی . تخریبکار بر خسته‌لغک اریتمش اولدیغی
بو چهره‌یی حالا کوروپورم . پک دینداردی . حالسز و لرزان ، هر صباح ،
کندیسنه پک آرزوکره بر اولوم دوشکی اولاجق یاناغک یانه سربلش
سجاده‌نک اوستنده اونی نمازی قیلارکن سیر ایدردم . صوکره نهم ودها
چوچوقلق حیاتنه قاریشمش دیکر سوکیلی موجودلر - که بو کون هپسی
سیاه سروی کولکه‌سند ایدی اویقولرینی اویوپورلر - رمضانک بند
یاشایان قدسی خاطره‌لرینک بر پارچه‌سیدر .

عائله یواسی او اوزون و چوق زمان قارلی کیجه‌لرک برلشدیردی
خیالرا ایله دولی ایدی . بو کون سنه‌لر کجیدی . حیاتک قورطنه‌لری بی
سوروکله‌دی ، سوروکله‌دی . فقط چوچوقلق رمضانلرک انطاعلری
قلبمدن بز دقیقه بیله سیتمه‌دی . شیدی نه زمان رمضان کله روحده بر
لرزه قدسیت اویاندیریور و کوزمده بر قاچ داملا یاش که بئلکمک بلکه
دویابیله جکم الک صیمی بر تأثیرینه اشتراک ایدیورلر . اوت ، بر قاچ داملا
یاش که اوزرلرینه اوغلق بر آجی روزکاری تمایس ایتمه‌ش . . . او قادار صاف ،
او قادار صیمی . . .

خالد فخری

رمضان خاطره‌لرندن

. . . آقشام اوستی درسار بیتجه مکتبدن چیقار ، دکنر کنارنده ،
عارفک قرائتخانه‌سندہ بی بکله‌ین بابامک یاشه کیدردم . اونک رمضانده
دائما اوتنه‌بری صاتین آغق ایستین بر اعتیادی واردی . بونک ایچون
افطاردن ایکی ساعت اول چارش یوینده‌کی آلیش وریش سسلری آراسه
قاریشمقدن برحط دویار و مایعات صیراسنده بر مشاور کبی نیم بولونمقلغی
ایستردی .

سبزهی ، تازه وقوورو میمشجی دکانلرندن ، رمضان پیده‌سی حقایزلان

قوروتہ و طائلیجی دکاتہ قادار صیراسیلہ ہپی زیارت اولونور و بوتون
بوزیارتلرزدہ ، آرقامزدن کان کوچوک حمالک صیرتندہ کی کوفہ کیتدجہ
آغیرلاشیردی .

ساعت اون بردن سوکرا ، اویمزہ کیدن چیفت یولدن ایکنجیسی
تعقیب ایدہ رک افطار ماصہستہ دوغرو یوللانیردق . بابامک بوایکنجی یولی
ترجیخک سینی ، یول اوستندہ کی حاجی درویش تکسنگ قایسندہ افطار
وقتی بکلہن شیخ اقدی ایلہ سلاملاشمق آرزوئسندن باشقا برشدہ عطف
ایدہ مہ یوردم .

بابام برمحکمہ رئیس صفتیلہ قانون جزا شرحلری نہقادار چوق دقتلہ
قاریشدیزمشہ ، معدہستہ حرمتکار بر آدم مراقیلہدہ اسکی ویکی یلک
کتابلری اوقادار دقتلہ تتبع ایلہ مشدی . بوسییلہ ، اویہ کلنجه اوچ دورت
ساعتدن بری باشلایان مطبخ فعالیتک درجہسنی آکلامق ایچون دوغرو
مطبخہ کیرمک ایشلرہ قاریشر و آشجیمزک ، بوش و آچ معدہسنگ دین
صبر و توکل ایچندہ وجودہ کتیردیکی مستحضراتی تقیش ایدردی ؛ مطبخک
ادارہ و مسؤولیتی درعہدہ ایدن آنہمک بومداخلہدن جانی صیقیدیفنی ،
ایچہ قاشلری آراستہ بلیرن خفیف قیوریتندن ؛ آشجیمک خوشودسزلغی
قائیان چوربا تجرہسنگ بیاض دومانلرینہ قاریشان یاواش میریتیلرندن
آکلاردم .

بابام طعامک اوزون سورمہسنی ایستہردی . آنہم ، برمسافر باصفیتہ
اوغرامادن یولہ حیقہ بیلیمک ایچون سرعت و اختصارہ طرفداردی . صوفرادن
قالتقدن سوکرا قوللری چوجوقل ، آللری فزلی بربولوک قاذین مسافری
یا اؤک ایچندہ ، یاخود سواقک کوشہسندہ قارشیلاردق . آنہمی بوتصافلرک
دائما ایکنجیسی ممنون ایدردی .

کیجہلری اوچ حیات طرزندن ایستہدیکمی انتخابدہ سربستم . بعضاً
بریرہ چیقماز ؛ آقشام اذاتی متعاقب اوی استیلا ایدن قومشورلہ برابر
قالیر ؛ بربرلرلہ دہشتلی چکہ یاریشلرینہ کیریشن ، صاریق مہلرینہ کوچوک
چوجوقل اصیلی قادیتلرک نہایتسز نطقلری ، ساعتلرہ اویومایان یاورولرینک

تو کمنز فریاد و فغانلری، اینجه و قالین پرده دن مختلف نواده نینی لری آراسنده نهایت سر سمله شهرک، اودامه چیتار او یوردم .
بعض کیجه لر قارداشمه قره کوزه کیدردک . بوموقیت بابامدن بر مساعده استحسانه توقف ایدر و قارداشمک حاجیواده ، بکری مصطفی به حاند روللری حیره شایان بر موقیتله تحصیل و تقلید ایتمی یوزندن مساعده سی اکثریا اسیرکه نیردی .

رمضان کیجه لرینک خاطر میده اک چوق ایز و ذوق براقان دملری او یزدن یکر می آدیم او یه ده کی حاجی ذرویش تکه سنه ذکره کیتدیکم زمانلردی ؛ درین بروج و استغراق ایچنده تمامیه کندیلرندن کچن محله اختیارلرینک بر آغزندن تکرار ایستکلری الله... تذارلری جامعک یوکسک وصامت قبه سنده او غولتولو قالین عکسلر یاپار و یو عکسلر آراسندن بر الهی حالده یوکسلرلن اینجه و کسکین سمک دالغه لری تا او ییزه ، آنه مک قولاغنه قانار کیدزدی . . .

حسین راغب

چو چو قلغنک رمضان، خیالده نورلی مناره لر و نورلی کیجه لر خالده یاشار . شیمدی ایسه و مضای حیاتک تجربه و امتحانلری ، لذت و اضطرابی ایچون بر تمثال طانیورم : رمضان، اوچ کونلک بایرامی ادراک ایتمک ایسته یئیر ایچون حیاتده کچیر یله جک اوتوز کونلک بر تجربه و امتحان تمثالیدر !

محی الدین

رمضانک بنده کی خیالی :

تورک و عشقک خیالی در ! . .

دارالفنون ندرسلرندن

اسماعیل حق